

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 101- 17965-1 /15 *Adm*
Zenica, 18.12.2015. godine

U skladu sa članom 100. stav 5. Zakona o javnim nabavkama („Službeni glasnik BiH“, broj 39/14), a na osnovu člana 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o obustavljanju postupka za nabavku elektronskih komunikacionih usluga, mobilne i fiksne telefonije

I

Obustavlja se postupak javne nabavke elektronskih komunikacionih usluga mobilne i fiksne telefonije, putem otvorenog postupka, objavljenog na portalu e-nabavki, dana 11.12.2015.godine, pod brojem: 439-1-2-316-3-65/15.

II

Za izvršenje ove odluke zadužuje se Komisija za nabavke.

III

Ova odluka stupa na snagu danom donošenja i primjenjuje se do okončanja žalbenog postupka, pokrenutog po Žalbi broj: 1-04-74-12794/15, od 15.12.2015.godine, dostavljenoj od strane Mtel a.d. Banja Luka, dana 15.12.2015.godine, odnosno do oglašavanja URŽ-a u vezi sa predmetnom žalbom.

IV

Ova Odluka objavit će se na web-stranici <http://www.vikze.ba/>.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-15323/15HK od 11.12.2015.godine, za nabavku elektronskih komunikacionih usluga, mobilne i fiksne telefonije, putem otvorenog postupka objavljenog na portalu e-nabavki, dana 11.12.2015.godine, pod brojem: 439-1-2-316-3-65/15.

Dana, 15.12.2015. godine ponuđač Mtel a.d. Banja Luka dostavio je ugovornam organu Žalbu na tendersku dokumentaciju, broj: 1-04-74-12794/15.

Ugovorni organ u otvorenom postupku za nabavku elektronskih komunikacionih usluga, mobilne i fiksne telefonije utvrdio je tendersku dokumentaciju pod evidencijskim brojem nabavke: 439-1-2-316/15.

Žalitelj „Mtel“ a.d. Banja Luka u predmetnoj žalbi navodi da je naprijed navedena tenderska dokumentacija neusklađena sa članom 3. stav 1. Zakona o javnim nabavkama, da se u tenderskoj dokumentaciji traži pružanje usluga mobilne i fiksne telefonije, a da nabavka nije podijeljena na lotove, te da se na taj način vrši diskriminacija ponuđača koji nisu u mogućnosti pružati usluge fiksne telefonije.

Ugovorni organ smatra da je predmetna žalba u cjelosti neosnovana jer je ugovorni organ u izradi tenderske dokumentacije za nabavku telekomunikacijskih usluga u fiksnoj i mobilnoj mreži za umrežavanje pretplatničkih brojeva u VPN u BiH odlučio da, u skladu sa općim principima Zakona u smislu najefikasnijeg korištenja javnih sredstava u vezi s predmetom nabavke i njegovom svrhom, vlastite pretplatničke brojeve u fiksnoj i mobilnoj mreži ujedini u jednu virtuelnu privatnu mrežu (VPN) kako bi u okviru te mreže na području Bosne i Hercegovine komunicirao bez ikakve naknade

(cijena 0,00 KM/min i bez naplate uspostave poziva), a što je napisano i u tehničkim uslovima u Aneksu 2 – Obrazac za cijenu ponude.

Ugovorni organ se pri izradi tenderske dokumentacije vodio isključivo ekonomskom opravdanošću kako bi najefikasnije iskoristio javna sredstva, te je prilikom izrade tenderske dokumentacije ispitao i tržište telekomunikacionih usluga i utvrdio da na tržištu nema smetnji da pojedini ponuđači svoju infrastrukturu šire kao i da koriste infrastrukturu drugih operatera, kojih u Zenici trenutno ima pet.

S obzirom na naprijed navedeno ugovorni organ je predmetnu žalbu cijenio kao neosnovanu i stu, uz Izjašnjenje na navode žalbe prosljedio URŽ-u.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR:


Kahriman Ekrem, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a